



08054

月泉吟社三卷

金華叢書



退補室開卷

月泉吟社三卷

月泉吟社序

鄉先輩吳清翁於元初主月泉吟社
盟以春日田園雜興發題收卷至二
千餘篇之多中選者幾三百人其槩
行合摘句圖亦近百首一時作者半
屬南宋遺老洋洋乎鉅觀也哉余夙

月泉吟社序

一

退補齋
藏板

嗜其詩每一披讀如游武陵源別有
天地非人間蓋不惟接踵石湖田園
詩即以擬唐賢儲王諸作無不及也
兵火以來世尠行本屬余有金華叢
書之刻亟取家藏明人毛氏晉本重
梓以傳惟毛刻與谷音合為一編而

石湖非吾郡人礙難登選又毛刻不
分卷數茲從別本釐為三卷用便循
覽特念余宦游四方所交多魁傑長
者騷人韻士相與結社聯吟更唱迭
和日無停晷久之裒然成帙故於皖
於鄂率有同聲集之刻雖同人認以

月泉吟社序

二

退補齋
藏板

牛耳見推而以視吟社諸老則仕隱
分途喧寂異趣且力與心違不獲人
酬一縑如清翁之豪舉然則古今人
不相及不信然耶梓既竣因綴數語
以誌嚮往之私云同治十年春二月
永康後學胡鳳丹月樵氏謹序



月泉吟社目錄卷一 摘句附

第一名羅公福

七言律詩一首

第二名司馬澄翁

七言律詩一首

第三名高 宇

七言律詩一首

第四名仙村人

五言律詩一首

詩目

第五名山南隱逸

七言律詩一首

第六名子 進

七言律詩一首

第七名粟 里

七言律詩一首

第八名倪 梓

五言律詩一首

第九名全泉翁

退補齋
藏板

七言律詩一首

第十名呂澹翁

七言律詩一首

第十一名方賞

七言律詩一首

第十二名鄧草逕

七言律詩一首

第十三名魏子大

五言律詩一首

詩目

第十四名喻似之

七言律詩一首

第十五名躡雲

七言律詩一首

第十六名玉華吟客

七言律詩一首

第十七名田起東

七言律詩一首

第十八名唐楚友

刻月泉吟社詩敘

月泉吟社者浦江吳子之所作也吳子名渭字清翁其號潛齋按重本有邑人黃灝首敘敘渭故宋時嘗爲義烏令元初退食于吳溪延致鄉遺老方韶父與閩謝臯羽括吳思齊主于家始作月泉吟社四方吟士從之三者乃爲其評較揭賞云據錄有刻本迨從于集賢學士直方并其子貞文公萊及諸孫元帥輩相嗣傳焉中更兵燹是本泯沒其裔孫克文會金華錢世淵獲舊所刻本復重刻焉蓋正統十年春月之日也有長史義門鄭楷教諭文江張用並敘諸末云石洲王子攜至江右間以授予其詩多律而七言四韻近體其詞婉微其氣平澹其音清翕雖不逮唐制若曰元初夫自爲一代有唐之遺風石洲曰夫言是也西涯昔著詩話亦稍取之予切愛清翁謝吳三子同一時四方才士凡所詠歌祇引田園景跡不及他物事真雅趣哉其殆加于世之沈淫紛華者已且其板毀盍再刻之或以吳溪諸輩不親世故競尙文辭至約盟揭賞爲清談弗矜廢時好事者今攷吳溪

原敘

一
退補齋藏板

社士皆故宋人也值元初年其處心甘是蓋智者識
矣正德十年六月望日水南田汝耕敘



原敘

二

退補齋
藏板

正德十年六月望日水南田汝耕敘

上海圖書館藏

五言律詩一首

第十九名識字耕夫

七言律詩一首

第二十名學古翁

七言律詩一首

第二十一名社翁

七言律詩一首

第二十二名騎牛翁

七言律詩一首

詩目

第二十三名天目山人

七言律詩一首

第二十四名安定書隱

五言律詩一首

第二十五名槐窗居士

七言律詩一首

第二十六名姜仲澤

七言律詩一首

第二十七名陳柔著

三

退補齋
藏板

七言律詩一首

第二十八名方尙老

七言律詩一首

第二十九名朱孟翁

七言律詩一首

第三十名愛雲仙友

五言律詩一首

第三十一名陳希邵

七言律詩十首

詩目

第三十二名劉時可

七言律詩一首

第三十三名岳重

七言律詩一首

第三十四名雲東老吟

七言律詩一首

第三十五名避世翁

七言律詩一首

第三十六名觀我

四

退補齋藏板

五言律詩一首

第三十七名徐端甫

七言律詩一首

第三十八名龜潭朱釋老

七言律詩一首

第三十九名樵逸山人

七言律詩一首

第四十名柳 圃

七言律詩一首

詩目

第四十一名冷泉僧志寧

五

退補齋
藏板

五言律詩一首

第四十二名吟隱翁自得

七言律詩一首

第四十三名東湖散人

七言律詩一首

第四十四名仇近村

七言律詩一首

第四十五名陳緯孫

七言律詩一首

第四十六名陳鶴臯

五言律詩一首

第四十七名臨清

七言律詩一首

第四十八名感興吟

七言律詩一首

第四十九名王進之

七言律詩一首

詩目

第五十名元長卿

七言律詩二首

第五十一名聞人仲伯

七言律詩三首

第五十二名戴東老

七言律詩三首

第五十三名子直

五言律詩一首

第五十四名龔慶陳文增

六

退補齋
藏板

七言律詩一首

第五十五名九山人

七言律詩一首

第五十六名桑柘區

七言律詩一首

第五十七名柳州

五言律詩一首

第五十八名草堂後人

七言律詩一首

詩目

第五十九名君瑞

七言律詩一首

第六十名青山白雲人

七言律詩一首

七

退補齋
藏板

月泉吟社目錄卷二

送詩賞小劄

與羅公福

與司馬澄翁

與高宇

與仙村人

山南埜逸

與子進

與栗里

與倪梓

劄目

一

退補齋藏板

與全泉翁

與呂澹齋

與方賞

與鄧草逕

與魏子大

與喻似之

與躡雲

與玉華吟客

與田起東

與唐楚友

與識字耕夫

與學古翁

與社翁

與騎牛翁

與天目山人

與安定書隱

與槐窗居士

與姜仲澤

劄目

與陳柔著

與方尙老

與朱孟翁

愛雲仙友

回送詩賞劄目錄卷三

羅公福

司馬澄翁

高宇

山南楚逸

子進

退補齋
藏板

栗里

倪梓

全泉翁

呂潛翁

方賞

喻似之

躡雲

玉華吟客

唐楚友

鄧草蓮

識字耕夫

學古翁

社翁

騎牛翁

天目山人

安定書隱

槐窗居士

姜仲澤

劄目

三

退補齋藏板

陳彖著

方尙老

朱孟翁

愛雲仙友



劄目

四

退補齋
藏板

月泉吟社

宋吳涓撰

本社預於小春月望命題至正月望日收卷月終
結局請諸處吟社用好紙楷書以便臚副而免於
差舛明書州里姓號以便供賞而不致浮湛切望
如期差人來問浦江縣西地各前吳吳知縣位對
面交卷守回標照應俟評校畢三月三日揭曉賞
隨詩冊分送此固非足浼我同志亦姑以講前好
求新益云

月泉吟社

一
退補齋
藏板

春日田園題意

所謂田園雜興者凡是田園間景物皆可用但不
要拋卻田園全然汎言他物耳

歸去來辭全是賦體其中本欣欣以向榮泉涓涓
而始流善萬物之得時感吾生之行休四句正屬
興

此題要就春日田園上做出雜興卻不是要將雜
興二字體貼只爲時文氣習未除故多不體認得
此題之趣識者當自知之

普詩壇文

月泉舊社久褰詩錦之華季子後人獨傲禮羅之意遂從昨歲徧致新題春日田園頗多雜興東風桃李又是一番鄉邦之勝友雲如湖海之英流雷動古囊交集鉅軸橫陳誰揭青銅尙詢黃髮無舍女學何至教琢玉哉不用道謀是在主爲室者俾得臣而寓目與舅犯以同心睠惟騷吟良由工苦所貴相觀而善亦多自負所長能雄萬夫定羞與絳灌等伍如降一等乃待以季孟之間欲辛甘燥溼之俱齊固甚難以曲直輕重而見欺亦不可念偉事或偶成於戲劇彼讒言特借譽而揄揚我詩如鄧曹何幸縱觀於諸老此聲得梁楚哲將不負於齊盟一點無他三辰在上

詩評

詩有六義興居其一凡陰陽寒暑草木鳥獸山川風景得於適然之感而爲詩者皆興也風雅多起興而楚騷多賦與比漢魏至唐傑然如老杜秋興八首深詣詩人閭與興之入律者宗焉春日田園

雜興此蓋借題於石湖作者固不可舍田園而汎
言亦不可泥田園而他及舍之則非此詩之題泥
之則失此題之趣有因春日田園間景物感動性
情意與景融辭與意會一吟風頃悠然自見其爲
雜興者此真雜興也不明此義而爲此詩他未暇
悉論往往敘實者多入於賦稱美者多近於頌甚
者將雜興二字體貼而相去益遠矣諸公長者惠
顧是盟而屑之教形容模寫盡情極態使人誦之
如遊輞川如遇桃源如共柴桑墟里撫榮木觀流

月泉吟社

三

退補齋
藏板

泉種東臯之苗摘中園之蔬與義熙人相爾汝也
如入豳風國耜者桑者競載陽之光景而倉庚之
載好其音也如夢寐時雍之世出而作入而息優
游乎耕鑿食飲而壤歌之起吾後先也其餘瓌辭
藻思粲然畢陳應接有所不暇姑次第其篇什附
以管見俟覽者細訂之若曰折衷則涓豈敢歲疆
圍大淵獻修禊節婺月泉吳涓拜手書

時元之前
至元二十

四年
也

月泉吟社卷一

宋吳 渭編

郡後學胡鳳丹月樵校梓

春日田園雜興

律五七言四韻餘體不取

第一名羅公福

杭清吟社三山連文鳳伯正號應

評曰衆傑作中求其粹然無疵極整齊而不

窘邊幅者此爲冠

老我無心出市朝東風林壑自逍遙一犁好雨秧初
種幾道寒泉藥旋澆放犢曉登雲外壟聽鶯時立柳
邊橋池塘見說生新草已許吟魂入夢招

卷一

月泉吟社

一

退補齋藏板

第二名司馬澄翁

義烏馮澄字澄翁號來青

起善包括兩聯說田園的而雜興寓其中末

語亦不泛

編闈春思倩吟鞭著面和風軟似綿黃犢烏犍秧穀
候雄蜂雌蝶菜花天把鉏健婦踏煙壟抱甕丈人分
野泉忙事關心在何處流鶯不聽聽啼鵲

第三名高宇

杭州西塾梁相字必大

前聯妙於組合後聯引陶范不爲事縛句法

更高末借言雜興的是老手

膏雨初晴布穀啼村村景物正熙熙誰知農圃無窮樂自與鶯花有舊期彭澤歸來惟種柳石湖老去最能詩桃紅李白新秧綠問著東風總不知

第四名仙村人

古杭白雲社

頷聯十字一毫不費力自與粘泥體者不同

餘見雜興

芳草東郊外疎籬野老家平疇一尺水小圃百般花青箬閑耕雨紅裙鬪采茶村村寒食近插柳遍檐牙

第五名山南隱逸

義烏劉應龜字元益號山南

卷一

月泉吟社

二

退補齋藏板

此卷七言凡六首律細韻高如耕餘樹有牛磨糞稅足溪無人照癩青春卻付鳴鳩管白日全輸臥犢閑此等語負未易及鼎嘗一瓣餘可槩知

獨犬寥寥畫護門是間也自有桃源梅藏竹掩無多路人語雞聲又一村屋角枯藤粘樹活田頭野水入溪渾我來拾得春風句分付沙鷗莫浪言

第六名子進

分水魏石川先生名新之字德夫

起有頡挫二聯善琢句善鍊字末意尤永

農圃誰言與世違韶華正恐屬柴扉天機花外聞幽
呀野色牛邊睨落暉膏雨平分秧水白光風小聚藥
苗肥行歌隱隱前村暖忽省深山有蕨薇

第七名栗里

金華楊龍溪各本然舜舉

起敘石湖出處善粘綴本題領聯引淵明爲
對語有斟酌頸聯就范詩狀田園結有悠揚
不盡之興此詩若止如前半篇則於義當屬
賦矣

春風建業馬如飛誰肯田園拂袖歸栗里久無彭澤

卷一

月泉吟社

三

退補齋藏板

賦松江僅有石湖詩踏歌槌鼓麥秧綠沽酒裹鹽菘
芥肥吳下風流今莫續杜鵑啼處草離離

第八名倪梓

義烏陳堯道字景傳號山堂

起聯有力五六亦新傍花隨柳人多正說此
乃翻用之意新

化日邨田樂春風耕織圖秧肥蠨斗動桑暗鷓鳩呼
社罷翁分胙占鸞媪得符傍花隨柳處此事不關吾
第九名全泉翁

孤山社名璧字君玉號遜初子

見趣高格調別觀前聯八字及末句語可想

其人

倦遊歸隱白雲鄉芳草庭閒晝日長晉世衣冠門外
柳幽人風俗屋邊桑青林伐鼓村村社綠水平疇處
處秧未分東風欺老眼一編牛背臥斜陽

第十名呂澹翁

東陽名文老

引用田園事全與諸作不同覃思一致於此

末句亦縝密

月簡紀閏附青煒民野陶然化日熙祀備枌榆祈稔
歲宴酣花柳樂清時洛中富貴斜陽恨絲上勛勞千

卷一

月泉吟社

四

退補齋
藏板

古思浩興歸來吟不盡陶詩和後和幽詩

第十一名方賞

桐江徙居新城方德麟號藏六

繞畦晴綠弄潺湲倚杖東風卻黯然往夢更誰憐秀
麥閒愁空自託啼鵲犁鋤相踵地力盡花柳無私春
色偏白髮老農猶健在一簞牛背聽鳴泉

第十二名鄧草逕

三山劉汝鈞君鼎號蒙山寓杭

意圓語妥五六善寫物態用韻尤工

年來夢斷百花場安分農桑萬慮降爲喜麥青行暖
逕因看蠶出倚晴窗草坪閒見烏犍點畚水飛來白

鷺雙滿飲茅柴拚爛醉踏歌社下自成腔

第十三名魏子大 武林九友會梁必大

前四句詠題後乃述意末二句亦不離春興

格韻甚高五言中未易多得

麥疇連草色蔬逕帶蕪痕布穀叫殘雨杏花開半村

吾生老農圃世事付兒孫但遇芳菲景高歌酒滿尊

第十四名喻似之 分水何教名鳴鳳字逢原

語健意深雖首句疊字微欠推敲後聯與末

韻過人矣

卷一

月泉吟社

五

退補齋藏板

東風轉矚又東臯久賦將蕪力未媻古木陰深巢燕

弱荒陂水淺怒蛙豪兒癡方擬半栽秫身隱尚嫌全

種桃何許蕨薇君欲采飢眠堪羨華山高 木一作屋

第十五名躡雲 建德梓州翁合老仲嘉

春日雜興意已具首句二聯工緻後聯句更

高結句所引與興字相關尤有深味

韶華到處入冥搜郭外人家事更幽土脉正融催穀

鯨林陰微合聽鈎輈誰家酒熟社公醉明日桑空鷺

妾愁祇恐春工忙裏度又吟風雨滿城秋 春工一作東風又吟

風雨一作
催租又迫

第十六名玉華吟客 分水林東岡名子明

前聯細翫見田園次聯較分曉結意尤有含蓄

一點陽和薰萬宇最饒佳致是山莊雞豚祝罷成長
席鶯燕聽來隔短墻嗜酒不嫌多種秫無襦長恨少
栽桑東郊勸相何煩爾農圃吾生自合忙

第十七名田起東 崑山劉蒙山

此真雜興二聯組織甚工

卷一 月泉吟社 六 退補齋藏板

桑風吹綠滿原頭西崦東阜暖氣浮村婦祈蠶分麩
親老農占歲說泥牛田烏飛逐耕烟犢桑扈鳴隨喚

兩鳩鄰叟相邀同社飲旋將新酒向花籬 叟一作曲

第十八名唐楚友 孤山社白湛淵名珽字廷玉

前聯不束於題而柳處蛙時一聯題意俱足
格調甚高結亦不浮

雨後散幽步村村社鼓鳴陰晴雖不定天地自分明

柳處風無力蛙時水有聲幾朝寒食近吾事及躬耕

第十九名識字耕夫 武林社秦州周暎字伯陽號方山

不事排奭而意語新妥自是佳作

蛙聲似吹雨初足桑椹欲紅風始和少婦每憂蠶利薄老夫惟喜秫苗多舊栽花木山鶯識新買陂塘野鷺過此境東風元自好當年金谷事如何

第二十名學古翁

桐江趙必范號古一

此卷八詩一起一結中六篇分詠三春節序

曲盡田園間景態如元日云卜歲聊憑六壬課有生未識五辛盤元夕云幸有漁樵同此樂苦無車馬自相諠社日云幾點飛花芳徑

卷一

月泉吟社

七

退補齋藏板

雨一雙新燕荻簾風清明云菱白生苗藏蛤地桑黃含椹浴蠶天皆佳句也今全錄其首篇

一歲農功只在春夫夫婦婦幾艱辛青門舊有種瓜地綠埜新添躬稼人早把牛衣教諸子欲修蠶具問良辰夜來谷口東風過只恐逢人問子真

第二十一名社翁

釣臺姚潼朔

壁寫新年百事昌春盤次第蓼芽香燒燈過了爭挑菜祭社歸來便撒秧布穀幾聲催耜畝吳蠶三伏正

條桑一春忙過無多日又聽鷓鴣報麥黃

第二十二名騎牛翁

前發教三山高鎔聲玉號悅雲

五六作意就雜字上形容畧似爲氣格之累然而不可少也第二句穎拔末用淵明意尤佳

已學淵明早賦歸東風吹醒夢中非鶯聲說曉來談
舊牛背安閑勝策肥時聽樵歌時牧笛閒披道壑閒
農衣篇詩那可形容盡何似忘言對夕暉

第二十三名天目山人

義烏吳天祐姪瑀字貴叔

卷一

月泉吟社

八

退補齋藏板

全篇是雜興本色而田園參貫其中且無一

語塵腐

野水渾邊戲乳鷺疎籬缺處晒耕簑草青隨意牛羊
臥門靜無人燕雀多夫倦倚犁需婦饁翁歡擊壤和
孫歌新來別有營生計又喜巡檐住蜜窠

第二十四名安定書隱

義烏胡南字景山號北心

二聯俱入細末意尤永

世數有遷草田園無古今鳥喧爭樹暖牛倦憇墻陰
水活土膏動風微花氣深淵明千古士佇立此時心

第二十五名槐窗居士

浦陽長塘黃景昌

細潤中見雜興若知田園傳亭則有當進盧

前矣

野色搖春麥正肥煙村閑寂往還稀未多桑葉蠶初
浴更小茆茨燕亦飛行市綠蛆花潑眼臥依黃犢草
侵衣數聲桐角歸來晚楊柳移陰月半扉

第二十六名姜仲澤

金華名霖

領聯妥帖五六語尤勝末不雷同

老盆傾酒試新嘗社鼓村村鬧夕陽麥壟風微牛睡

卷一

月泉吟社

九

退補齋藏板

穩芹塘泥滑燕歸忙半邨飛雨斷煙溼一逕落花流
水香鼎貴安知此中意徒能學犬吠村莊

第二十七名陳柔著

武林社三村東必曾字孝先號潮原

終篇可謂清新之作三四尤有味

巽綠郊原春事深治生幽趣豁塵襟聲禽語耕人
意種種花開老圃心桑葉漸舒梯欲整麥苗暗長路
難尋日長雖有荷鋤倦薄暮歸來常醉吟

第二十八名方尚老

桐江白雲村方子靜

領聯停當五六有感觸結三四字尤警

東臯雨後土膏肥，鳳駕烏犍出短扉。
秧水平疇蛙閣閣，菜花滿稜蝶飛飛。
比隣社酒歡猶在，墻壁農書事已非。
獨喜桑麻今正長，淵明歸去最知幾。

第二十九名朱孟翁

東陽

平妥中用字有工，二聯不拘體貼而題自見，末感興深。

餽釘蔬槩已竹萌，如何布穀未催耕。
牧兒懶散騎牛過，遊子牽連信馬行。
秧際窺魚翹白鷺，花間捎蝶下黃鶯。
東風歲歲添新綠，獨我霜髯多幾莖。

卷一

月泉吟社

十

退補齋藏板

第三十名愛雲仙友

杭白雲社趙必拆

一段佳山水，芳時事正妍。
犢耕青燒雨，鶴臥碧桃煙。
社老邀嘗煮，鄰僧伴摘鮮。
莫嫌陶令拙，農圃得餘年。
事正作事事

第三十一名陳希邵

義烏陳舜道

此卷首尾吟十篇，題上生題，摹寫各盡其妙，與其他畫軸添足者不同。姑真諸此以爲手抄之冠，紙價當爲高矣。

春來非是愛吟詩，是田園漫興時。
無事花邊繡兔

冊有時桑下課牛醫乍隨父老看秧去還共兒童關
草嬉偶物興懷渾不奈春來非是愛吟詩

又

春來非是愛吟詩詩是田園樂興時清入吟懷花月
照紅生笑面柳風吹村聲盪耳烏鹽角社酒柔情玉
練槌閑悶閑愁儂不省春來非是愛吟詩

又

春來非是愛吟詩詩是田園飲興時草酌乍抒情
眠眼花生陡覺眼迷離才呼粉社人同醉又問杏邨家

卷一

月泉吟社

十一

退補齋
藏板

有誰長日作勞無不得春來非是愛吟詩

又

春來非是愛吟詩詩是田園懶興時放草地牛眠易
熟聽花村鳩起來遲蠶桑辛苦從渠婦稼穡勤勞任
我兒疎散情懷收不起春來非是愛吟詩

又

春來非是愛吟詩詩是田園引興時間布穀聲驚綠
野聽提壺語憶青旗會因鬪草爭心起每爲看花樂
意隨景物撩人禁不定春來非是愛吟詩

又

春來非是愛吟詩詩是田園寄興時稼穡但憑牛犢
健陰晴每付鷓鴣知託尋花去將予樂借卷桐吹寫
所思撫景寓言良不淺春來非是愛吟詩

又

春來非是愛吟詩詩是田園乘興時得暇分畦秧韭
菜趁晴樊圃樹棠梨山煙青笠等閑去沙地烏犍和
醉騎一片野情羈不住春來非是愛吟詩

又

卷一

月泉吟社

十一

退補齋
藏板

春來非是愛吟詩詩是田園遣興時行傍山翁驅犢
父坐觀鄰媪試鶯兒看秧時測水深淺行菜閑占春
早遲白日漸長消不去春來非是愛吟詩

又

春來非是愛吟詩詩是田園盡興時蓐食出門天欲
曙荷鋤歸路月相隨踏青漫有心情在耕綠寧甘體
力疲箇段工夫償不足春來非是愛吟詩

又

春來非是愛吟詩詩是田園感興時草地耕牛方有

犢花村吠犬那生薈麥青未必三時粥桑綠其如二月絲觸物興懷言不盡春來非是愛吟詩

第三十二名劉時可

雙溪

前聯語圓味永後四句婉順而有結束

土膏初動雨初收草逕茅亭趣最幽坐睡略無朝市
夢踏歌時有里間遊半邱秧秫醉堪酒五畝樹桑寒
可裛老圃老農誠足學不成吾道付滄洲

第三十三名岳重

武林九友會寶覺寺僧了慧字岳重

田園對起已占地步領聯得闔闢之妙餘佳

卷一

月泉吟社

圭

退補齋藏板

平疇水遠徑微分小圃雲深景不繁此處農桑雖是
僻多情鶯燕不嫌村倦眠芳草閑黃犢靜對幽花倒
綠樽見說弓旌方四出欲更名姓掄衡門

第三十四名雲東老吟

義烏許元發

起善摹寫五六用淵明摩詰語卻以第七句承之可謂得格

片雲豈是出山時曾被東風誤一吹歸意不煩啼鴉
勸閑情只許落花知桑麻窮巷扉長揜煙火空林黍
自炊粟里輞川非謬計晴窗子細味渠詩

第三十五名避世翁

義烏洪貴叔

全傲坡體

棄官杜甫罹天寶辭令陶潛歎義熙暖日浣溪仍舊
迹春風栗里只前時苗生阡陌培嘉種花繞林塘發
故枝佳興二公能領會可能胸次太多詩

第三十六名觀我

金華楊舜舉

有點檢無疎漏二聯能以俗爲雅和根帶葉
雖只舊對卻轉移得好末押和陶更佳

露畦煙陌裏名利等秋毫引犢隨牛放祈蠶望繭繅

卷一

月泉吟社

齒

退補齋藏板

和根挑薺菜帶葉摘櫻桃讀罷歸來賦臨風欲和陶

第三十七名徐端甫

義烏居禪定

如是而後爲雜興詩中二聯尤得趣末無奇

曉出東郊跨蹇驢弄晴微雨潤如酥犬依桑下烏健
臥鳩雜花間黃鳥呼楊柳嫩搖風氣力稻秧新著雨
工夫農家滋味誰知得飽飫豚蹄酒一盃

第三十八名龜潭朱釋老

金華孝順鎮

前聯說田園輕快第二句體貼興字五六帶
春景體貼雜興二字更工然而氣格不甚高

亦坐此

家山萬象春歸好詩筆拈來感物情泉脉動時毋待
灌土膏起處正宜耕無窮懷抱風和暢不盡形容雨
發生試問封侯萬里客何如守拙晉淵明

第三十九名樵逸山人 桐江李萼

全篇辭氣雍容末韻哀不傷怨不怒深得詩
人之旨

村居只是舊衣冠北墅南園熟往還雨外泥深牛齧
鰕花邊風暖鳥閒躬耕自得莘郊樂日涉誰知陶

卷一

月泉吟社

五

退補齋
藏板

逕閑只說桑麻元自好不須釋耒歎時艱

第四十名柳圃

月泉竹隱陳君用

詠雜興甚工但失之刻露然其好處亦在此
春風冗我田園務野思芳情約不齊檢點瓜邱仍芋
籠按行桑墅更秧畦偶陪靈運山前屐或學東坡雨
外犁薄暮倦歸專一事旋誅生菜甕黃蘗

第四十一名冷泉僧志寧

杭人熙山蔡潭託名

詩人詩韻度自別起聯甚工

雲過催花雨風收困麥煙一鋤天地裏三月翠紅邊

朝市雖無夢郊墟似有緣種瓜何代叟豈識趣熙然
第四十二名吟隱俞自得 金華孝順鎮

語新而對巧所謂多識於鳥獸草木之名但
末二句不過敷演起句耳

暄和春景好供詩日暖風輕土脉肥白鷺時窺秧刺
刺黃鶯頻說柳依依幾回野水聞姑惡數樹春英叫
姊歸物態滿前看不足等閑吟詠對斜暉

第四十三名東湖散人 古杭

前聯得詠物之工後聯句法亦好末見雜興

卷一

月泉吟社

去

退補齋藏板

物色天成畫不如東風又到野人廬蜜蠶辛苦供常
課科斗縱橫學古書小雨杏花村問酒澹煙楊柳巷
巾車汀洲水暖蘆芽長更買扁舟伴老漁

第四十四名仇近村 古杭山村仇遠字仁近

社酒農書一聯厥有深意不但全篇清婉而
已

一灣新綠護蒹蘆草細泥鬆已可鉏野老但知分社
酒地官寧復進農書鶯花眼界人煙外蠶麥生涯穀
雨餘我愛賦歸陶令尹柳邊時見小籃輿

第四十五名陳緯孫 分水何教名鳴鳳

雋味寓於細律中微作者不及此

星明天駟兆興農稼圃犁鉏處處同播穀競趨新禹
甸條桑猶記舊幽風草綠疆畎縱橫綠花隔藩籬深
淺紅自笑偷生勞種植西山輸與采薇翁

第四十六名陳鶴臯 月泉竹牖陳君用

前聯平後聯有思索

世事不挂眼寄情農圃中鉏犁衝曉雨杖履立東風
芽穀驗仁脉澆花釐化工獨餘真意味濁酒自燒菘

卷一 月泉吟社 七

退補齋藏板

第四十七名臨清 建德王進之

有悠長味無艱澁語後半篇視前畧不及

桑田滄海幾興亡歲歲東風自扇揚細麥新秧隨意
長閑花幽草爲誰芳午橋蕭散名千古金谷繁華夢
一場滿眼春愁禁不得數聲啼鳥在斜陽

第四十八名感興吟 桐江

此詩無一字不佳末語雖似過直若使采詩

觀風亦足以戒聞者

兒結蓑衣婦浣紗暖風疎雨趨桑麻金桃接種蓮花

葳紫竹移根帶筍芽
椎鼓踏歌朝祭社
賣薪挑菜晚回家
前村犬吠無他事
不是揆鹽定權茶

第四十九名王進之

建德

以雅健語寫高潔操
悠然之興見於篇末

東君私我此閑身
脫卻青衫野服更
柔可以絲麻可績
麥宜績食非宜羹
分甘壘上耕雲隱
夢不湖邊拾翠行
物意豈知滄海變
曉風依舊語流鶯

第五十名元長卿

義烏陳希聲

回文二首俱妥順亦出苦心

卷一

月泉吟社

六

退補齋藏板

香紅眩眼纈蕤英
竹杖扶吟縱步行
桑眼暮含青蕾小
麥鬢蝦磔翠芒輕
黃花菜圃午風軟
綠水秧畦春野平
芳樹幾聲鳩雨過
蒼蒼柳色弄煙晴

又

犁鉏徧野沸耕農
血吻鶻聲一樹紅
畦蠹秧針青剡剡
隴翻麥浪翠芃芃
雞鳴晝寂花村雨
蛤吹朝寒草岸風
溪外雲過橫笛亂
微煙野色樹龍蔥

第五十一名間人仲伯

義烏陳希聲

三春分作三首曲盡變態非苟爲敷演者所

氣味士能及

田園興在早春時眼纈生紅喜上眉門巷日高人掃
雪池塘煙漲水流澌杯棹新歲歡同社燈火元宵鬧
古祠野老告余春事及夜來小雨過前陂

又

田園興在半春天春事關心夜不眠護撒秧畦須擁
水闢栽蔬圃更隄川青囊子粒鄉風舊翠箬靈芽社
雨前獨立斜陽無限意一聲撥穀野橋邊

又

卷一

月泉吟社

九

退補齋
藏板

田園興在晚春頭且說田蠶兩事休榆莢雨酣新水
滑楝花風軟薄寒收青楓蠟子催桑月綠樹鸝鷓報
麥秋但願花村無吠犬時呼薄酒背眠牛

第五十二名戴東老

月泉

三詩狀三春之景得處亦多起頭一句欠嚴

重

飲了椒盤收了燈翁攜稚子步新晴茅柴初熟勝臘
醞菜蕪久蘊宜晚羹伏卵雞留上春種出欄牛試吉
辰耕去年官賦今年罷寂甚門前犬吠聲

又

昨夜西郊雷隱鳴，金穰檢歷兆秋成。
槍旗味向茶畦蓄，餅餌香從麥隴生。
拂去梁塵招燕乳，撥開檐網看蜂營。
誰家子女羣喧笑，競學賣花吟叫聲。

又

野花村醞賞清明，挑菜踏青魚隊行。
暇水戲浮觴白羽，厨煙不禁飯黃精。
田功宜早秧勤插，桑價方高繭告成。
莫道犁鋤忘學問，讀書聲間織機聲。

第五十三名子直

分水魏石川

卷一

月泉吟社

三

退補齋藏板

起句快便結意深遠兩聯亦高不得已屈實諸此

野景入時移，東風刷滿鋤。
犂牛出後酒，味燕來初穀。
種天心在桑枝，帝澤餘紅塵。
幾飛犂肯信有農書。

第五十四名龔慶陳文增

茗水

起見題意兩聯中五六九工

熙熙壠畝扇和風，簇簇人煙野意濃。
培溉桑麻沿汲路，經行薺麥省耕農。
飲牛澗暖山搖影，接果枝青蘚拆封。
酒熟花香村欲社，芒屨藤杖儘從容。

第五十五名九山人

寓杭

前聯就事映帶田園次聯韻度迴別末尤有

趣

軒裳一夢斷塵寰桑柘陰陰靜揜關種秫已非彭澤
縣采薇何必首陽山因憐社鼓剛催老轉覺儒冠不
負閑君看浣花堂上燕芹泥雖好亦知還

第五十六名桑柘區

金華

起四字絕佳二聯分明見田園惜尾句弔字

太過

卷一

月泉吟社

三

退補齋藏板

粟爵瓜官懶覬覦生涯雲水與煙腴晚風一笛麥秧
隴春雨半鉏桑柘區可是樊遲宜請學肯教陶亮歎
將蕪斜陽芳草關情處更把新詩弔石湖

第五十七名柳州

月泉

二聯見田園分明第四句最好曬字欠工

東風生意鬧農圃正宜勤稻種開包曬菊苗依譜分
疇西曉耕雨舍北暮鉏雲莫待荒三徑歸歎陶令君

第五十八名草堂後人

古杭

第二句入田園快便前聯絕好後半篇意順

桑眼已開芳晝長西疇東壑足相羊
麥風初暖燕爭壘林雨忽晴蛙滿塘
野老新衣逢社喜山妻椎髻爲鶯忙
紛紛遊騎踏花去誰識吾家舊草堂

第五十九名君瑞

桐江

此真雜興詩起頭便見作手

白粉牆頭紅杏花竹槍籬下種絲瓜
厨煙乍熟抽心菜篝火新乾捲葉茶
草地雨長應易墾秧田水足不須車
白頭翁媪閑無事對坐花陰到日斜

第六十名青山白雲人

居杭

卷一 月泉吟社

三

退補齋藏板

頷聯語意深頸聯尤雋

昨夜東風雨一犁曉晴隣巷共熙熙
遮門牘喜有桑柘輸園不憂無繭絲
小婦餉耕因廢織老夫觀社忽成詩
眼前物物是生意卻恨淵明歸計遲

摘句圖

起句

名利有危機老於農圃宜

無機老農

驅卻餘寒碎土牛田園生計又從頭

子問

桃李場中已免參只將農圃繫頭銜

田農夫

風暖柴荆鳥語幽
麥高麻矮野桑柔

唐人機軸

聯句

寸地不可棄
東風何處無

忘懷老人

種瓜思夏實
分菊待秋花

五雲山人

幸存耕雨地
況值養花時

老農

麥苗花下綠
犢子草邊黃

劉存行

水暖眠秧珥
風香豎茗旗

石姥寄客

雨露桑麻清
夜話清明花柳少年心

雙澗

晴雨花時遊
子意寒暄秧信老農心

雲水

卷一

月泉吟社

三

退補齋藏板

犢外醉分芳草
臥鶯邊吟踏落花行

白雲人

生意滿腔秧
出穀飛花有思柳飄綿

傅宣山

耕鉏曉雨有
餘地應接東風無暇時

自家意思

野犢正忙犁
曉雨谷鶯纔出管東風

柳耆

鳥隨牛後窺
秧穀蝶趁蜂來戀菜花

俞如山

有酒便嘗烹
笋蕨無花聊自賞桑麻

跨犢者

社近記穿黃
蠶子雨前趨摘紫槍旗

山野人

鶯藏楊柳金
歌舞蝶宿梨花雪夢魂

山野人

桃林我憶放
牛日葵圃誰思逸馬時

盤隱未子

一生甘作扶犁手萬變寧移抱甕心

扶杖夫

蛙鳴暮夜官何爲蝶戀芳菲夢不知

廷雲

鴉趁犁翻爭啄食蜂粘絮落苦貪香

翁自適

煙連草色迷平野雨趁鳩聲過別村

郭建德

烹罷籜龍新上筋脩來秧馬尙依墻

駱侑賓

清曉蛙聲引啼鳩夕陽牛背立歸鴉

陳帝臣

牛飲芳陂鴉立背馬過秀野蝶隨蹄

晚靜

蠶一二眠催出伏秧三四葉尙憂風

竹蓑笠翁

郎罷耕歸呼困牧阿翁眠起問姑蠶

俞楚處

卷一

月泉吟社

五

退補齋藏板

結句

晴原望新麥一片綠雲香

藍田道人

桃李公門者將蕪胡不歸

林泉生

笑他思著蓴鱸者卻感秋風始去官

傅九萬

山翁不識時宜甚猶學淵明裹葛巾

才人

合就林泉好苦食香

俞自獻

共結夫

共結夫

月泉吟社卷二

送詩賞小劄

月泉社吳清翁盟詩預於丙戌小春望日以春日
田園雜興爲題至丁亥正月望日收卷月終結局
收二千七百三十五卷選中二百八十名三月三
日揭榜

第一名公服羅一縑七丈筆五貼墨五笏

第二名公服羅一縑六丈筆四貼墨四笏

第三名公服羅一縑五丈筆三貼墨三笏

卷二 月泉吟社 一

退補齋藏板

第四名止第十名各春衫羅一縑筆二貼墨二

笏

第十一名止二十名各深衣布一縑筆一貼墨

一笏

第二十一名止三十名各深衣布一縑筆一貼

第三十一名止五十名各筆一貼墨一笏吟箋

一沓

以上所送並就縑端筆貼墨銘用月泉詩賞

潛齋記號通榜仍各送本社新詩一册

羅公福

伏以月泉舊社久盟湖海之交春日新題賸寫田園
之興得周南而正始可冀北之空羣執事振響武林
舒翹文苑種秧澆藥已朝市之無心放犢聽鶯更池
塘之入夢村機自別冠冕爲宜某心所甚欣手之不
釋詩成奪錦誦珠玉者翕然禮以爲羅愧瓊瑤則多
矣餘如玄穎并致篚筐

司馬澄翁

執事清涵繡湖香並班史菜花天秧穀候偶迎著面

卷二

月泉吟社

二

退補齋
藏板

之風野泉甕煙隴翠總是關心之事雖居蕭次猶占
盧前

高宇

伏以交連湖海夙聞詩錦之名題借田園尙媿禮羅
之意有來匡鼎豈遜盧前執事文陣稱雄武林擢秀
四時春始成石湖老去之吟三徑人間得彭澤歸來
之趣襟期樂只囊穎宜哉某得是高吟從而深刻問
巢父之珊瑚安在此則長留縱衛人之瓊玖可將終
然匪報

仙村人

山南野逸

月泉里社夙微繡水之齊盟春日田園誰繼石湖之
雜興新篇吟就舊夢喚醒執事嘉遯山南大觀物表
追前哲而尙友不肯同今兩之交呼古人如使兒可
但拾春風之句能多益善實罕其儔某見之心降傳
者脫脫自非三昧難誇得奪錦之華欲效七襄終愧
禮爲羅之厚

于進

卷二

月泉吟社

三

退補齋
藏板

執事皇著分陽選高無氏牢籠物態成天機埜色之
聯玩弄韶華得膏雨光風之句塵外之柴荆自適山
中之薇蕨尤香

栗里

執事秀氣桐簷高情栗里想建業當年之飛馬深羨
勇歸聽吳淞今日之啼鶻益增永嘅試提一律幾壓
同盟

倪梓

田園雜興偶徼舊社之同盟湖海俊游爲賦長城之

五字云執事假富春山爲通德里耕織圖村田樂

放開塵外之懷社翁昨蠶媪符道盡眼前之景以俗

爲雅此詩可羣

全泉翁

執事東晉衣冠西幽風俗閉庭芳草倦遊甘隱於白
雲綠水新秧歸收穩眠於斜日卓爾有立異乎所聞

呂澹齋

月泉里社分來隣燭之光春日田園攪動奚囊之興
翩其寄驛幸甚盟鷗執事駿極峴峰淵源麗澤洛中

卷二

月泉吟社

四

退補齋藏板

富貴斜陽追恨於繁華絲上勛勞終古慨思於羈絆
寓吟不盡覃思何深某飽觀瑰奇祇覺雋永云

方賞

執事望聳東安羣稱北冀晴畦自遠鵲聲謾寄於閑
愁春色雖偏牛背獨誇於老健細觀妙格知出清芬
某一諷一吟起敬起慕珠投甚寵愧無玉案之酬紵
獻雖微尙篤緇衣之好餘遵元式併奉新編

鄧草逕

執事鄧林秀出吳會倦遊麥逕蠶窗安分斷花場之

夢草坪畚水踏歌成社下之腔意境俱融辭翰具美
某手之不釋心則爲降金玉其相豈勝集珍之喜紵
絺厥篚第難贈繡之酬餘若穎立并登几格

魏子大

湖海俊遊九友自聯於芳社田園雜興五言難敵於
長城壯哉齊盟燁然遠耀執事居吳都會得魏大各
吟自在詩無脂粉氣遇芳菲景適農圃情先生高哉
弟子眼矣某識韓雖未說項良勤縱欲酬金難答情
惜之韻敢因獻苧先陳戀戀之情

卷二

月泉吟社

五

退補齋
藏板

喻似之

執事如合浦珠爲汾陽望將蕪已賦頗思舒嘯於東
臯采蕨無從且欲飢眠於西華若栽桃種桃之句與
怒蛙巢燕之聯允矣清新加之蒼勁某咀華不厭刻
梓以傳縱有瓊琚莫報投桃之意可無篚篚以昭獻
苧之誠

臨雲

月泉壤地密依鄰燭之光春日田園贖喜奚囊之興
翩其傑製壯我齊盟執事絲瀨清風爐峰瑞氣土脉

融林陰合接吟不赦於韶華社公醉蠶妾愁敗意直
憂於秋雨誠爲蒼勁可但清新

玉華吟客

執事

云

某快靚吟篇恍陪遊展式如金玉庸起敬

於席珍筐厥紵締第難酬於囊錦

田起東

執事岷玉無瑕壺冰徹底詩材抉剔麩爾泥牛物態
牢籠田烏桑扈總是清新之句足規灑落之懷某識
韓雖賒說頂不置贈我以繡段所愧報瓊好賢如緇
衣敢忘獻苧餘如頴輩并致籤房

唐楚友

田園春日偶爾分題湖海名流翩其入社長城自屹
前敵無勅執事塵厭軟紅節存清白其楚波之及於
晉有堯風而謂之唐雜興悠然社村耕事一聯佳甚
柳處蛙時意復寓於陰晴誰敢言其非是

識字耕夫

農圃餘生結同盟之吟友湖山佳處有識字之耕夫
所謂伊人夫豈卑我執事語無排異體不效崑野鷺

卷二

月泉吟社

六

退補齋
藏板

山鶯動金谷當年之感婦蠶夫穉逼石湖春日之吟
和易可形清奇可愛云

學古翁

執事秀毓著泱奧探眇忽謂衆作追隨世好非愚則
諛而入詩模寫農時以俗爲雅一變固知於鼎味寸
莛猶咽於鐘音某云無青玉案徒慙玳珮之貽有
古錦囊應笑紵衣之獻

社翁

執事氣孕蒼泱學宗葩正以俗爲雅一年先百事之

卷二

月泉吟社

七

退補齋
藏板

書因險出奇八句盡三春之景真成巧中奚取多爲
云式如金玉庸起敬於席珍貢厥紵絺亦難酬於
段繡束毫不腆鏤本云初奉以敷陳尙惟鑒在

騎牛翁

伏以月泉舊社久依文字之輝春日新題海寫田園
之興如五雜組敵雙南金執事刺手鯨身射光牛背
覺東風之吹夢寧不委心對夕暉而忘言還有真意
掃空俗韻增重齊盟某披吟以還起敬無斃觚不觚
而堪歎乃令識良梓之斧斤布不布則已微所願應

深衣之繩矩束毫匪腴鏤板再供

天目山人

月泉社友爰歆舊盟天目山人爲題春興不勝佳甚
豈果遠而執事望邑鄰輝平齋宗派詠牛羊茁壯仍
觀戲水之乳鷺知燕雀生成又喜巡簷之窠蜜有資
其饒或拊而歌

安定書隱

執事昔者中庸今之安定趣雄物表牛倦鳥喧景入
用中風微水滑且能慕義熙之士豈欲追正始之音

月泉吟社

退補齋
藏板

槐窗居士

執事名稱東國越之雄句比西家施之麗浴蠶飛燕
野色搖春依犢市蛆扉陰移月摹成小景曲盡巧心

姜仲澤

月泉里社竊雙溪明月之餘輝春日田園動白雪陽

春之絕唱

云

執事採摭羣言牢籠百態歸燕忙睡

牛穩頗歡言社酒之嘗斷煙溼流水香更切齒村莊
之吠高標聳若秀句宜哉

陳柔著

月泉舊社惠徼湖海之同盟春日新題駿發田園之
雜興

方尙老

執事

云

秧疇麥稜畫圖巧寄於聲中社酒農書詩

史隱存於言外烏龍嶺之地靈尙矣白雲村之宗派
依然某薄云苧獻并以穎歸

朱孟翁

愛雲仙友

農圃餘年惠徼同社江湖偉士駿發高吟此五言詩

卷二

月泉吟社

九

退補齋
藏板

可萬人敵執事愛雲自命與世相違臥碧耕青慣尋
幽趣摘鮮嘗煮閑對芳時宛如驢上風雪詩不帶人
間煙火氣某未及識面已相知心縱有紫磨難答綺
琴之遠贈雖微白氎敢隨毛穎以前陳翰瀆悚然鑒
存幸甚

月泉吟社卷三

回送詩賞劄

羅公福

讀淵明詩久識田園之趣從夫子學願爲農圃之民
未敢望其下風胡遽延之上座執事雅懷月霽清思
泉寒撫景興思慨唐科之不復以詩爲試覲同雅之
可追竊知扶植之盛心正欲主維乎公是某羨珠玉
之在側忝糠粃之播前舊擬秋聲曾占桐江之風景
新題春日又分婺女之星輝豈好爲朱公之變姓易
名深恐蹈柳子之召閹取怒慙非重寶俾獲與錦囊
之榮賜侈香羅復喚起青衫之夢受絲毫而皆感與
筆墨以忘言謹述謝私伏祈鑒在

司馬澄翁

品題得佳士公方司風月之盟塗抹如阿婆自笑得
田園之樂寘諸榜眼壯此詩脾執事襟韻石湖標儀
栗里腰嫌束帶寸榮不入於夢中酒無燥尊諸公要
出我門下某濁慙繡水清傍月泉借來青之矮屋三
間閑鑽故紙想環翠之臥樓百尺分合下牀有來駢

卷三

月泉吟社

一

退補齋
藏板

四儷六之文濫中拔十得五之選錄其善者願爲吟社之門生羅而致之景仰騷壇之座主恩欲酬於奪錦敬少俟於摳衣

高字

賦月泉之雜興問一得三觀詩社之題名吾十有五鑒明攸在雨射奚工恭惟先輩墨綬銅章綸巾羽扇樓高風月清標遠邁於隱侯春滿田園佳趣適同於陶令吟盟是宰公道以明某信手推敲何心得失誤人品題之列有何格調之高愧甚少年的非老手袞

卷三

月泉吟社

二

退補齋藏板

褒匪稱鼎臆謂何苧細羅香實過鄭僑之縞帶筆精墨妙粲垂郇氏之綵箋三復以還一忱兼謝參前未卜能照是祈

山南埜逸

橫山有吳佚老著名東萊太史之文南塘稱劉潛夫留意盛唐諸公之作頃因月泉之續社分示石湖之舊題有栗里輞川之風老子興復不淺無魏野林逋之句吾黨斐然成章詎意惡詩亦占前列既不迷五色而失方叔抑且出一頭而放子瞻狎墜華緘過勤

褒袞裂絹喜朵雲之到手啟匱駭疊雪之浮香兼有
煙翰之珍遠賁柴荆之陋旌儀侈甚刊册粲然勉用
拜嘉豈勝銜感美人贈繡段心匪吝於卷還小奚背
錦囊句尙慙於拾得未涯申謝并冀丙融

子進

牛邊寫景敢言琢句之工龜列標名似直賞音之誤
無心得此有目榮之恭惟某春滿河陽趨高彭澤謂
六義之中有興風雅則然豈三代之後無詩田園故
在胡取蕨薇之采不令葑菲之遺札墜飛雲香分疊
雪某靦顏褒寵拜手登嘉當春服之成時旣竭兩端
之教窺潛齋之深處敢忘一字之師

栗里

騷壇元帥獨主夏盟里社晚生謾吟春興媿無好語
誤辱賞音敬惟執事吳下華宗洛中耆德因詩取友
高拍方元英之肩下筆如神參透范石湖之體吟哦
不輟鑿裁尤精某自顧濫竽敢當褒袞香羅委貺更
兼立穎之珍繡段雖華愧乏瓊瑤之報

倪梓

卷三

月泉吟社

三

退補齋
藏板

山堂隱廬未醒白木鏡之夢月泉詩社許沾青玉案
之榮名殿七賢才空八斗恭惟執事吟髯似戟笑面
如靴彭澤歸去來遂尋壑經邱之趣廬峰老其下拓
買田築室之規某曾借屐於東山且叨尊於北海篆
銘未已褒賞謂何纖縞勤渠旣出吳延陵之賜瓣香
皈向當如陳師道之言

全泉翁

田園將蕪窮節羨陶翁之賦池塘生草浪吟慙靈運
之才品題侈甚於袞華愧醜溷乎其甲厚自大雅不

卷三

月泉吟社

四

退補齋
藏板

作久矣歎絕響以無聞然小子何莫學夫覺用心之
徒苦謾爾警一鳴於楚豈期次八米之盧敬惟執事
心醉六經眼空四海學探月窟吐老桂之秋芬詞湧
泉源障狂瀾之東倒小退青雲之步甘爲綠野之遊
隨柳傍花舞雩風於春暮裁雲剪霧主吟社之夏盟
妙選穿楊亦兼采菲如某者僮工蟲刻頗學蚓鳴其
聲鳴嗚然安知格調之別所言平平耳何有見趣之
高誰歟黠朱衣之頭幸矣殿龜頭之目人謂採珠之
偶得我慙奪錦之罔功試擲地當作金聲難造與公

之妙如舊識與之縞帶敢忘季子之知或承之羞未
知所報

呂澹齋

夏盟有主池塘之舊夢喚醒春興無邊田園之新吟
閱遍自愧非壇場之作手亦浪叨鄉黨之榮名云

方賞

仲尼剛後誰明雅頌之遺音元亮歸來自得田園之
真趣迺作成於後進爰宗主於芳盟敢圖樸樾之林
誤玷鈞陶之選恭惟云如某者偶捐農圃強就繁

卷三

月泉吟社

五

退補齋
藏板

窗讀幽什者半生僅知諷詠拜劉公之一紙過辱品
題有來厚賞之遠貽頓覺窮櫛之暴富輕衫裁白紵
敢忘今日之恩方册對青燈庶亦他時之報

喻似之

學吟農圃政欠推敲布武壇場誤蒙鑒賞寵榮殊甚
登領赧然恭惟執事陶徑春融宓琴調古植月泉之
赤幟足張吾軍續風雅之清音旁招同社士每難於
知已公獨譽其過人願此斗筲曷當筐篚某栖遲分
水企仰仙華詩可以興幸囊封於古錦服之無數敬

緇佩於深衣

躡雲

君詩大國難爲入社之才吾學老農頗識歸田之趣
居慙出醜浪被褒嘉恭惟執事遺蛻浮榮潛心大雅
以六義之中曰興能感性情而一年之計在春盍知
稼穡旣率芸于蕘夫而分其席且招騷人墨客而與
之盟刻在新編傳爲佳話某學嗟晚士思苦冥搜奪
延靖之錦袍愧無傑句分延陵之衣紵徒佩盛心得
此何修服之無斃使毛穎陳玄同傳尙欲發揚與長

卷三

月泉吟社

六

退補齋
藏板

沮桀溺耦耕終甘隱逸謝言不足宥鑒是祈

玉華吟客

大將登壇孰匪當家之作偏師失律敢希醴賞之頒
茲誤辱於搜羅第倍增於慙悚適情聊爾於畦逕以
未知寄興謂何亦田園之謾慰豈料暗中之摸索猶
爲望後之嬋娟寫白紵詞就命文房之二益酬絲箋
寄難同筆法之雙鈎語謝渠渠占辭草草

唐楚友

木鐸采詩喜三百篇之典型復見達圖結社數十八

賢之地位偶同豈湖海之乏人實非詩之下體香浮
雲朶光挾星躔得之若驚愧無以稱顧苦吟寫閑中
之情性而躬耕亦分內之生涯題命田園興尋筆硯
有以自樂頗慙九首之俱前無非至公敢恥八名之
在後若曰廷玉良笑冶金流水桃花誰其具眼蛙時
柳處已是知音瓦礫多辱於品題篋例承於頌寵
寶之遺子期在傳家誦雪鬢回裘之詩別才頻減評
煙草六朝之句良晤匪遙謹此申酬伏祈丙在

鄧草逕

卷三

月泉吟社

七

退補齋
藏板

月下分泉清甚詩翁之致逕中藉草淒其田父之儔
離奇方有愧於鄧林品題乃獲班於崑玉恭惟執事
胄高姬長派接唐英秋風歸栗里之田久灰官夢春
日動石湖之興載畝騷盟雅道有賴扶持類句亦蒙
甄錄某愧非范蠡既名鴟夷又名陶朱大類燕人先
誑國城復誑里社驢馬亦直戲耳熊魚乃兩得之覆
瓿增慙擊轅獻笑青山白紵荷見眷之不涼烏玉紫
毫姑卽施以爲報草茲布復莫旣謝私

識字耕夫

留心大雅聿追三百篇之遺俦指同盟辱真十九人之列視前茅而有覲感下菲之居多敬惟執事文思湧泉書眼如月唐英嗣響擅歌詩之芳名彭澤賦歸得田園之真樂尙友湖海之士相期文字之交許後進以言詩凡先登者有賞敢期庸下亦預選中某識字耕夫學詩小子客邊夜雨惟海陽二頃之田湖上春風續立都再來之句豈真得意誤蒙賞音榮哉華袞之褒感甚白紵之賜貳以立穎銘之肺腑小好小慙固已在羣讖之數曰比曰興所願聞六義之言

學古翁

卷三

月泉吟社

八

退補齋藏板

效休文之八詠知類農歌拔毛遂於衆中允高匠目矧謝池僅止五字而魯語尤戒多爲首而錄全思則過半恭惟執事雙桐政美五柳門深續雅道於一綫之餘亦言其興尋吟盟於千里之外夫豈無人乃采艱辛之辭特置次癸之列月泉分貺雲壑懷慙某夢斷鈞天心遊樂地視立穎可爲至寶奚有于今裁白紵而製深衣於焉學古

雲岫無心夙羨淵明之先見月泉入社偶居毛遂之

後塵

云云

騎牛翁

彭澤賦歸飽田園之真樂廣文坐冷瀕溝壑以猶歌
適騷伯之建壇縱吟翁之劇壘不知技癢聊遣旅懷
牛從陳舜舉之騎頗諳幽興魚效韓昌黎之釣良用
自悲過眼之日無迷在手之月可掬雖愧於萬選萬
中幸列之二十二人迺厪寵翰之臨過沐賞音之賁
將之禮幣感此誼襟紅白弗施且見頒於綵筆青衫
無用尙託庇於深衣僕僕拜嘉惓惓言謝

天目山人

枯腸索句未除石氏之村褒筆過情爲揜徐凝之惡
俾陪前列以勸後生恭惟執事溫詩社盟嗣騷壇響
獨得田園之興揭以爲題遍行郡邑之間聞者皆作
至令猥瑣亦強精神某云負才非夷簡籠無慙叔
父之薦揚典試得歐陽幸不遇主人之黜落

安定書隱

田園動興得專風月之盟湖海倦遊未接雲霄之武

卷三

月泉吟社

九

退補齋藏板

辱招吟社敢詫長城敬惟執事氣槩雄豪襟期光霽
種花多暇賸留潘縣之濃陰夢草生春拈起謝池之
舊話比司文之有在咸買勇以先登某非其人而居
此選侈白絹斜封之寵敬用珍藏慕深衣獨樂之風
益深銘佩

槐窗居士

執事

云

彭澤琴書歸去不孤長嘯石湖風月邇來

轉入清吟

姜仲澤

卷三

月泉吟社

十

退補齋
藏板

某云范詩凡廿四首之多我甘落後戴席半五十
人之數何敢爭先誤辱袞袞特勤旌勸麻衣如雪遠
勝牛背之蓑筆陣掃雲好寫兔園之冊

陳柔著

仰止潛翁酌水夙稱於處默慙非著姓求田自笑於
元龍曾謂推敲猥蒙品藻恭惟執事以義熙人物續
吳下風流七步成詩一變至道石湖有作雖聞託興
於田家月泉以前幾見盟詩於春日力扶大雅誤采
陳言某豈無異聞於鯉庭亦有一經於牛角卽老圃

寒花之句還以祝君歌青山白紵之章惠而好我永
言感著曷旣掄傳

方尙老

泉流明月獨分詩派之清村隱白雲遠借騷盟之重
誰爲聖斲忽拜袞袞恭惟執事富貴故鄉風流別墅
念寥寥大雅久亡山川草木之風而勉勉後生俾識
穀粟桑麻之理載舉石湖之雜興稍舒彭澤之閒情
不鄙互鄉亦爲同社某章縫晚學句律新知無二十
八宿之奇胸曷鷹厥選作數千百年之佳話端在斯
編誇之老農有此盛事天吳翻短褐頓更白紵之華
霜兔禿長毫難寫青琅之報函修謝幅伏冀照原

朱孟翁

某子產惠人也紵頰奚啻袞袞榮毛君中書耶穎禿曷
嬋瓊報

愛雲仙友

田園歸隱夙欽彭澤之高風筆硯久荒難得石湖之
秀句不慙鄙劣冒爾擬騷誤辱甄收敢言奔殿敬惟
執事山林富貴軒冕鏘銖釣月耕雲詎輸製錦傍花

卷三

月泉吟社

七

退補齋
藏板

隨柳雅稱調琴可見知幾之老成居然遠世而肥遯
適憑佳興用拂清人餌絲泉釣江湖貨乞穎買珠璧
此意古矣其利溥哉某溝壑餘生泥塗下役有懷農
圃靡就犁鋤茲效輩唐士之五言恰轆足周聘之一
轂僅逃孫外免愧盧前自謂狂吟思復青氈而遠矣
或云駝榜會歌白紵以誇之

至元丙戌丁亥間吳潛齋執牛耳分雜興題共
得詩二千七百三十五卷選中二百八十八名今
茲集所載僅六十名凡四韻詩七十有四首又

卷二

月泉吟社

上

退補齋
藏板

附摘句三十有三聯雖虬尾一握然其與義熙
人相爾汝奇懷已足千秋矣亟合谷音付黎以
公同好客曰二集選調不倫未云合璧予因借
靖節句子作評云君子死知已提劍出燕京實
獲伯原之隱相見無雜言但道桑麻長非卽清
翁借題石湖意耶客曰善何不附於屈陶集後
以供痛飲時一快云湖南毛晉識

右月泉吟社一卷宋吳涓編 四庫提要已著錄案

涓字清翁號潛齋浦江人以故宋義烏令入元不仕
厲樊榭等南宋雜事詩注記是書始末最詳謂其間
或有名或無名大抵皆宋末遺老也然第十八唐楚
友孤山白斑也著有湛淵集宋咸淳中已與仇遠同
以詩名入元後應薦爲儒官坎坷不達退老湖山殆
亦有不能概以汝社遺民例之者矣又謂舊有黃顯
序今琴川毛氏重刊本佚之朱竹垞靜志居詩話宋
季吳月泉主社賦春日田園雜興羅公福擅場元季

卷三

月泉吟社

三

退補齋
藏板

饒介之主席賦醉樵歌張仲簡擅場崇禎初鄭超宗
主會賦黃牡丹詩黎美周擅場時稱牡丹狀元三事
本太平佳話而皆出於百六之秋公福肥遯仲簡遂
初美周授命虔州三君子各自靖尤爲美談公福卽
連文鳳也顧王漁洋池北偶談謂品題未允因重爲
移置改文鳳爲第二十一爲 提要所糾謂李西涯
懷麓堂詩話云公福詩無甚警拔而卷中亦無能過
之者云云然靜志居詩話亦謂張仲簡醉樵歌今載
集中殊不見好黎美周黃牡丹詩亦未定爲蓮鬚閣

集中壓卷也而今古均豔稱之流風餘韻沾漑後人
粵中詩社羅元煥等粵臺徵雅錄記之特詳謂悉做
吳清翁月泉吟社故事以余所及見道光癸未甲申
西園南園兩詩社西園第一集題紅梅驛探梅徐太
守鐵孫擅場第二集題水仙花徐茂才夢秋擅場南
園第一集題羊城燈市葉廣文星曹擅場第二集題
菩提紗鐵孫擅場西園第三集題玉山樓春望馮司
馬子良擅場而倡之者則鍾孝廉鳳石先生也迄今
未三十年墓木已拱敦槃之盛邈不可追求一二閉

卷三

月泉吟社

古

退補齋
藏板

門索句性僻耽佳者殆若晨星卽間有好事者亦匆
匆不暇作渭城之唱明朱秉器停雲小志記青溪社
集謂每月爲集遇景命題樂志忘形間事校評期臻
雅道又云盛會不常良朋星散雲樹在望黯爾銷魂
何今昔有同慨也又如歲丙午吾邑橫沙鄉詩社題
沈香浦懷古石門懷古焚尾春譚廣文玉生擅場然
亦焚尾春四詩神韻獨絕耳故陳廣文蘭甫戲以芍
藥狀元呼之擬繪圖章以贈今亦無此盛集矣重刊
是書成偶憶舊游而漫書數語於其後咸豐辛亥小

除夕南海伍崇曜謹跋

卷三

月泉吟社

十五

退補齋
藏板

08054

